

.91.

[.....]

Kauf P[e]r: 500. f:

Adam Zilckhl von Heislern, vnd Bar=
bara dessen Eheweib, Bekhennen, vnd ver=
khauffen mit Consens des Churfrtl: [Churfürstlichen]
Pflegambts alhier, ihr eine Zeitlang
Erbrechtsweis ingehabten Hof daselbsten,
mit dessen Rechtlichen ein: vnd
Zuegehörungen, Zu dorf: vnd Veldt,
nichts hieruon besond[er]t: noch ausgenomme[n],
gleich sye selbigen ingehabt: genutzt:
vnd genossen haben, von welchem
iehrlich besagt Churfrtl: Pflegambt

Zu Georgi: oder Michaeli .1. f. 24. x:
.4. hl: Züns, ain Fas[t]nachthennen, vnd
.12. pfundt Hofschmalz verraicht, dan
.1. tag Mehen .1. tag Heugen .2. Schneidten
vnd ain tag Hackenscharwerch verricht[et],
od[er] das Gelt dafür bezalt werden
mues, auch im ybrigen aldahin
mit der Manschafft, Rais, Steur, Schar=
werch zum Schloss, Vf begebente Ver=
end[er]ung verendung mit dem Zehenten
pfening Handtlang, vnd all andern
pottmessigkheiten vnderworffen, vnd
beigethan ist. Dem Ehrbahren deren
Eheleiblichen Sohn Aloisen Zi[l]ckhl, noch
ledig: doch voggtbahren standts, vmb
.370. f: dan absond[er]lich .2. Oxen pr: 40. f:
ain Kue vmb .10. f: ein Kalben auch
pr: 10. f: die Wüntter: vnd Sommer=
sämbung vmb .40. f: dan alle Haus:
vnd Paumansfahnuse pr: 30. f: Ze=
sammen aber in ein[er] suma vmb: vnd
pr: 500. f: sambt .3. f: gleich par
bezalten Leÿkhaufs, welchen Kaufschilling
der Kauffer, volgentergestalten zube=
zallen Versprochen, Als erstlichen
solle Kauffer teglich zur Angab .60. f:

.92.

vnd hienach Geörgi .1703. Zur Nach=
frist .20. f: erlegen, vnd hiermit
iehrlich solang solange Continuirn bis

d[er] völlige Kaufschilling entricht:[et] vnd
bezalt sein würdt, Dabei ist zuwissen
daß ihnen die V[er]khauffer die halbe
Nutzung des bemelten Hofes noch .2.
Jahr, also .1703. et .1704. dergestalt
ausgenommen, das sÿe hingegen schul=
tig sein sollen, als vorstahleuter
ordinari: vnd extraordinari ausgab,
von ernanten Hof zur helffte Zu=
bezallen, wie dan in dessen ihnen
Verkhauffern, der Kauffer an der
hernach beschribenen Ausnamb
nichts verraichen, Darf, nach Ver=
schliessung solcher Zweÿ Jahr aber soll
besagte Leitterung seinem anfang
nemmen, deme nachzekommen, ist
hierÿber bei Ghrt: [Gericht] Handstreichlich an=
gelobt worden, Geschechen, den
.25.tn 8ber 1702.

Testes

Carl Alex Heibl, vnd Lorenz Huef=
nagl, beede Ghrts: procuratores alhier.

© Transkription by Josef Ederer Katzbach 33

Datei: 00022-Staam_2018-12-20_15-08-43aHausNr1Haeuslarn